

Guangjsih Minzcuz Bau

ganhhau: CN45-0036 B.2017 Nd.7 Ng.26 liggaueq dingyoux nienz nyinh ndwenloeg coseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3284期

Hocouh Banh Denyingj Vah Minzcuz Haeuj Lajmbanj Hozdung

贺州市举行民族语言电影进乡村活动

7 nyied 20 hauh banhaemh, Hocouh Si Minzcunghvej, Minz-yijvej youq Fuconh Yauzcuz Swciyen Sinhva Yangh Mbanjhuzgvangj mbanjmoq banh denyingj vah minzcuz "minzcuz doxgiet • angqcoux cibgouj daih" haeuj lajmbanj hozdung. Denyingj vah minzcuz roengz mbanj, muzdiz dwg hawj gij cingsaenz vwnzva aeuyungh vunzlai minzcuz vunnnoix mbouj-duenh gyalai haenx ndaej rimhoz, giethab gohgi roengz mbanj, cuengqingj gohgyauben hawj vunzlai minzcuz vunnnoix, daezsang gij dinfwngz guhhong nungzyez caeuq

naengzlig baenz miz vunzlai, coicaenh hwngfat ginghci ndawbiengz mbanj minzcuz.

Doenggvaq hozdung, bae daengz gak mbanj doiq vunzlai minzcuz vunnnoix guh minzcuz cwngeuz caeuq faplwd fapgi dangj senhconz gyauyuz, roengzrengz vih minzcuz yangh, mbanj soengq raeuj, vih beksingq banh saehndei. Hawj gyoengq vunzlai minzcuz vunnnoix roxnyinh daengz dangj yawjnaek vah saw minzcuz vunnnoix caeuq hwngfat ginghci minzcuz, roxnyinh daengz gij raeuj dangj.

Ciuq gyoepsuenq, minzcuz

vunnnoix Hocouh Si cujyau dwg Bouxcuengh, Yauzcuz guhdaeuz, daengx si vunn Yauzcuz 25 fanh lai boux, mbanj youq daengz 130 lai aen, ndawde miz 72 aen mauhgyaq 1000 boux. Vunn Bouxcuengh miz 8 fanh lai boux, mbanj youq daengz 80 lai aen, ndawde miz 28 aen mauhgyaq 1000 boux. Aenvih aen si neix beixnuengx minzcuz vunnnoix Cuengh, Yauz cungj youq diegbya, vwnzva, ginghci haemq doeklaeng, gaenjbik aeu soengq denyingj vah minzcuz haeuj lajmbanj cuengqingj hozdung.

(Cau Ginhbinh/赵金宾)

SIUSIK DINJ

简讯

● 7 nyied 16 daengz 18 hauh, dwg seiz "ciet buzvuengz Yauzcuz" Gunghcwnz Yauzcuz Swciyen swnggaep feihvuzciz vwnzva yizcanj baujhoh mingz-loeg, vunzlai dangdieg doenggvaq haiguh yienj boq aenvenz roq gyong, yienj heiq buhvaq ciuhgeq, ciengi bauqva daengj baenzdaug hozdung, ngoenz-naengz yinx ndaej baenz fanh vunn daej yawjngonz youzcet.

(Cauh Binjciuh Vangz Sezen)

● 7 nyied 19 hauh, Liujcouh Siveij Dungicanbu lienzhah Liujcouh Si Hozciz Sanghvei daengz Sanhgyangh Fuluz Myauzcuz Yangh haiguh simndei giencienz banghag hozdung. Hozdung seiz, aen sanghvei neix gien lanziuz, yijmauzgiuz daengj buek doxgaiq dijuuz yungh he dij 3000 maenz; gien 50000 maenz ngaenz hawj diegsonhag siujyoz Mbanjcinzban Fuluz Cunh Fuluz Yangh, hawj hagdangz hwnjguh ranzgnhaeux caeuq boujdiep hagseng gungzhoj, gvansim lwghag Mbanjmyauz, haeujsim Mbanj-myauz gyauyuz.

(Gunj Yicungh)

● Bineix daej, Yizcouh gaenjdaet hopheux hengzguh gij guhhong moegbiu yinvu "roek aen hengzdoengh hung", daengz ndwen 6 daej, guhsat hengzguh hanghmoeg (hamz swnj guh) 20 aen, gij cienzbonj ndaw guek saedyienh ngaenzcienz daengzdieg 14.58 ik maenz, guhsat 59.51% Hozciz Si roengz daengx bi yinvu haenx, gij cienzbonj rog guek daengzdieg 1650 fanh maenz meijyenz, guhsat 62.03% daengx bi yinvu haenx, byonghbi gonq hanghmoeg ciemdingh moq 5 aen.

(Linz Ciuhnz)

● Bineix daej, giethab seizheiq ceng cauh aen yienh guhyienh hwngfat ginghci gizdieg daengx gih, Fuzsuih Yen dawz hwngfat ciengx bya ciengx doenghduz dangguh hangh neiyungz youqgaenj hong "sam nungz" he daej guh, hopheux gij moegbiu canjnieb demyauq, bouxguhnaz laisou, gyavaiq cienjbienq fuengsik hwngfat ciengx bya ciengx doenghduz, gyavaiq canjnieb cienjhingz swnggaep, coicaenh ciengx bya ciengx doenghduz cangqheiq hwngfat.

(Liengz Cenzdungh)

Yungzsuij: Baij Ndangdaenj Minzcuz Coicaenh Minzcuz Doxgiet



融水:

民族服饰展演
促进民族团结

7 nyied 23 hauh banhaemh, Yungzsuij Myauzcuz Swciyen banh aen vanjvei baij ndangdaenj minzcuz Mbanjmyauz gyaunde nem boi minzcuz doxgiet gaiq daez, ca mbouj lai bak boux beixnuengx Myauz, Yauz, Dung, Cuengh daengj, doenggvaq guhyoux, guh hong, diuqfoux, eu fwen daengj biujiyenj hingzik nyuenz miz neix, langhbaij ndangdaenj minzcuz vunnnoix, hawj gak minzcuz doxgiet, yinx ndaej haujlai siminz daej yawjngonz. Ndaw doz dwg dahsau langhbaij ndangdaenj minzcuz.

(Lungz Linzci/龙林智)

Ningzmingz Yen Haiguh "Fwen Haeuj Fanh Ranz" Cienz Eu Son'gyauq Hozdung

宁明县开展“山歌进万家”传唱培训活动

Mboengqneix, Ningzmingz Yen Minzcuzgiz youq Cwnzgungh Cin Cuhlenz Cunh Mbanjbanhlungz banh aen haiban yizsi hainduiz Ningzmingz Yen "fwen haeuj fanh ranz" cienz eu son'gyauq hozdung. 50 boux bouxyaezfwen Cuhlenz Cunh caeuq bouxguhong lijyouz ndaw yienh haenx caeuqfaenh son'gyauq.

Aen ban son'gyauq cingj Ganh Saugwngj boux fwenvuengz, boux cajsiz aen hezvei fwen ndaw yienh daej hwnjdangz, son'gyauq yungh gij hingzik lauxsae cienz eu,

lauxsae caeuq bouxhag, bouxhag caeuq bouxhag doiq eu, yungh 《Fwen Cux Hek》《Fwen Haeuj Mbanj》《Fwen Gingq Laeuj》《Fwen Byaraiz》daengj fwen Ningzmingz okmingz haenx guh saw guh son'gyauq hozdung.

Gwnz dangzgoq lauxsae caeuq gyoengq bouxhag gaenxmaenx doxdoeng, heiqfaenh hoenghhwd, demgya le cingzgeih, vih gyoengq canghfwen daezhawj aen bingzdaiz doxgyau doxhag he, son'gyauq yaujoj yienhda.

Baez son'gyauq hozdung neix yaek guh ndwen he, yamqlaeng yaek bae Yaudaz Cunh, Nazli Cunh, Dunglez Cunh, Nazlen Cunh daengj guh son'gyauq hozdung, doiqsiengq son'gyauq daih'iek 500 vunzbaez, hawj bouxhag cei noix ndaej boih eu 10 hot fwen. Cauh'ok gij heiqfaenh bouxboux gyaenz dingq fwen, rox eu fwen, gyaenz eu fwen, cienz eu fwen.

(Liuz Yencuh Liu Hihfangh Liengz Funghgwz)